

MOBILIDADES DE PRÁCTICAS – ERASMUS+

CONVOCATORIA PARA OS CURSOS 2019-2020 e 2020-2021

A mobilidade de estudantes para a realización de Prácticas Erasmus está integrada dentro da Acción Clave 1 (KA103) do Programa Erasmus +: *Mobilidade das persoas por motivos de aprendizaxe. Proxectos de mobilidade no ámbito da educación, a formación e a xuventude.*

● **Obxecto da convocatoria e descrición.**

Convócanse bolsas de mobilidade destinadas:

- a calquera estudante da EASD Mestre Mateo que teña formalizada a súa matrícula no último curso de Deseño de Moda ou Deseño de Produto ou ben nos últimos cursos de calquera dos Ciclos Superiores (Xoiaría Artística, Fotografía ou Técnicas Escultóricas) e que estea en condicións académicas de realizar os módulos de Prácticas curriculares ou Formación en Centros de Trabajo.
- a calquera estudante da EASD Mestre Mateo que teña acadada a súa titulación nos últimos 12 meses.
- a calquera estudante da EASD Mestre Mateo que titule nos meses de Xuño ou Xullo de 2020

● **Institucións de acollida**

Pode ser institución de acollida calquera entidade europea non ubicada en España que desempeñe unha actividade económica no sector público ou privado, independentemente do seu tamaño, o seu estatus xurídico ou do sector económico no que exerza a súa actividade, incluída a economía social.

Inclúense nesta definición:

- Unha empresa pública ou privada, pequena, mediana ou grande (incluídas as empresas sociais).
- Un organismo público local, rexional o nacional.
- Un interlocutor social ou outro representante da vida laboral, incluídas as cámaras de comercio, as asociacións artesanais ou profesionais e os sindicatos.
- Un instituto de investigación.
- Unha fundación.
- Un centro escolar, un instituto ou un centro educativo.
- Unha organización, asociación ou ONG sen ánimo de lucro.

Non son elixibles institucións, corpos e axencias da Unión Europea.

Duración e titorización das prácticas.

Entre 2 e 12 meses por ciclo de estudos. O financiamento cubrirá un máximo de 3 meses.

Se a persoa solicitante xa disfrutou con anterioridade doutra mobilidade Erasmus+, os meses xa realizados se descontarán do máximo de 12 meses.

As prácticas serán titorizadas tanto dende a EASD Mestre Mateo como dende a institución de acollida. O titor ou titora da EASD Mestre Mateo será o coordinador ou coordinadora de prácticas en caso dos Estudos Superiores e o titor ou titora de prácticas de cada especialidade en caso dos Ciclos Superiores.

● **Requisitos.**

1. Ter a matrícula ao corrente na EASD Mestre Mateo no presente curso 2019/2020 e estar no último curso dos estudos ou ciclos superiores que requiren de FPEET ou prácticas externas.
2. Atoparse nas condicións académicas requiridas para realizar as prácticas en empresa. É dicir, ter todos os módulos aprobados no caso dos Ciclos Superiores e un máximo de 18 créditos ECTS pendentes no caso dos Estudos Superiores de Deseño e no Ciclo Superior de Fotografía (previa solicitude a Xefatura de Estudos), ou ben
3. Ser recén titulado ou titulada (nos 12 meses á presentación da solicitude) en calquera dos estudos impartidos na EASD Mestre Mateo.
4. Non se poderán simultanear no tempo mobilidades Erasmus+ de Estudos e de Prácticas, pero si poderán ter lugar no mesmo curso académico (sempre que en total non se superen os meses máximos permitidos por ciclo de estudos).
5. Para presentar a solicitude será necesario que a/o estudante busque persoalmente a empresa na que quere facer as prácticas. A Oficina internacional ofrecerá axuda e asesoramento para este proceso.

● **Contía e pagamento das axudas.**

Existe unha única vía de financiamento, a do *Servicio Español para la Internacionalización de la Educación* (SEPIE), por un máximo de 3 meses. Se a duración total da mobilidade supera este tempo, o tempo excedente terá consideración de "beca cero". O importe das axudas dependerá do nivel de vida do país de destino, segundo os tres grupos que se mostran a continuación:

Grupos	Países	Asignación
Grupo 1	Dinamarca, Finlandia, Irlanda, Islandia, Liechtenstein, Luxemburgo, Noruega, Reino Unido, Suecia	400 euros/mes
Grupo 2	Alemania, Austria, Bélxica, Chipre, Francia, Grecia, Italia, Malta, Países Baixos, Portugal	350 euros/mes
Grupo 3	Antigua República Yugoslava de Macedonia, Bulgaria, Croacia, Eslovaquia, Eslovenia, Estonia, Hungría, Letonia, Lituania, Polonia, Rumanía, República Checa, Turquía	300 euros/mes

O **alumnado procedente de entornos desfavorecidos**, esto é, que tiveran concedida unha beca xeral do Ministerio de Educación **no curso anterior á solicitude** (necesitarán documentalalo no momento da solicitude) terán unha axuda adicional de 100€ mensuais que se sumará ao total percibido.

O ingreso desta axuda será realizado pola Oficina Internacional en dous pagos, vinculados á recepción de certa documentación, do xeito que segue:

- primeiro pago do 80% do importe total da beca unha vez asinada toda a documentación necesaria e presentado o certificado de chegada.
- liquidación do 20% restante tras a entrega do certificado de fin de estancia orixinal, o informe do estudante (UE Survey) e a memoria de prácticas.

O abono das axudas realizarase exclusivamente mediante transferencia bancaria a contas correntes situadas en España, e os seus titulares ou cotitulares deberán ser necesariamente as persoas beneficiarias das mesmas.

No caso de que a estancia sexa de entre 2 e 3 meses (meses incompletos), a axuda financeira calcularase multiplicando o número de días do mes incompleto por 1/30 da axuda mensual.

Durante a súa mobilidade a/o estudante seguirá disfrutando das bolsas ou préstamos con fins educativos que podería obter normalmente para estudar na EASD Mestre Mateo. As axudas de mobilidade Erasmus+ son complementarias aos sistemas nacionais e/ou autonómicos, incluídos os que ofrecen unha compensación polos gastos adicionais dos estudos ou prácticas que se realizan no estranxeiro.

● **Solicitude e documentación.**

A persoa solicitante deberá presentar a seguinte documentación:

- Formulario de solicitude impreso e asinado dispoñible no Anexo I da presente convocatoria, na Secretaría da EASD Mestre Mateo e en <http://www.easd.es/gal/internacional/erasmus-/outgoing/practicas-smt>
- Documento de aceptación da empresa na que quere realizar as prácticas, cos datos da empresa (nome, nome do responsable, número de identificación fiscal, dirección postal, correo electrónico e teléfono), dispoñible no Anexo II desta convocatoria.

A secretaría da EASD Mestre Mateo xuntará á solicitude de cada persoa candidata a seguinte documentación:

- Certificado de matrícula da alumna ou alumno na EASD Mestre Mateo, ou certificado de ter os estudos rematados coa data de finalización.

● **Lugar e prazo de presentación das solicitudes.**

As solicitudes presentaranse na Secretaría da EASD Mestre Mateo.

A convocatoria abrirá ao día hábil seguinte á publicación desta resolución e permanecerá aberta ata esgotar os fondos dispoñibles asignados á EASD Mestre Mateo polo SEPIE (Axencia Española Erasmus+) para o presente curso 19/20 e o curso 20/21, e ata non máis tarde dos tres meses anteriores á finalización do Convenio 2019 asinado co SEPIE (Maio de 2022).

Debido ao baixo número de persoas interesadas nestas axudas e o consecuente baixo nivel de competencia que existe, a selección realizarase por rigorosa orde de solicitude.

● **Aceptación e renuncia**

A persoa seleccionada deberá formalizar a aceptación ou renuncia do destino adxudicado presentando o modelo Anexo III por email a erasmus@easd.es.

As renuncias que se produzan fóra do prazo establecido e sen xustificación por parte da persoa interesada serán motivo de exclusión en posteriores convocatorias de mobilidade da EASD Mestre Mateo. Se o alumnado seleccionado non presenta a súa aceptación ou renuncia por escrito dentro do prazo de 10 días naturais considerarase que acepta a axuda e ten obrigación de realizar a mobilidade (salvo caso de forza maior).

● **Documentación a asinar**

Para recibir a axuda do SEPIE, a persoa bolsreira deberá asinar, **antes da súa incorporación á institución ou organización de destino:**

- un Convenio Financeiro coa EASD Mestre Mateo e
- un Acordo de Prácticas coa EASD Mestre Mateo e a empresa de acollida.

● **Recoñecemento académico**

As prácticas realizadas polo estudiantado do último curso dos Estudos superiores de Deseño e Ciclos Superiores terán pleno recoñecemento académico.

Se a duración das prácticas é maior do esixido polos estudos, o recoñecemento do exceso se realizará a través do Suplemento Europeo ao título no caso dos Estudos Superiores de Deseño e a través de Europass no caso dos Ciclos Superiores.

Este recoñecemento estará condicionado a que se acade por parte da persoa en prácticas o nivel esixido na organización de destino, demostrado pola avaliación positiva de dita organización, e ao cumprimento por parte da persoa en prácticas dos prazos e termos acordados.

● **Seguros**

É responsabilidade da persoa beneficiaria da bolsa Erasmus+ tramitar a Tarxeta Sanitaria Europea ou subscribir ao seu cargo un seguro para cubrir as contingencias médicas no país de destino.

Se as persoas seleccionadas son beneficiarias da Seguridade Social, deben dirixirse as oficinas do INSS para solicitar a TSE. As persoas aseguradas en mutuas ou seguros privados deben dirixirse a elas para obter a cobertura médica no estranxeiro.

A EASD Mestre Mateo non será responsable dos danos ocasionados e débedas contraídas polo estudante durante o período da súa bolsa.

Non obstante o anterior, A EASD Mestre Mateo proporcionará ao estudante un seguro básico de viaxe con cobertura de accidentes e responsabilidade civil.

● **Obrigas das persoas beneficiarias das bolsas e contratos**

Logo de aceptar a bolsa, o/a estudante comprométese a:

Antes da partida:

- Asinar por duplicado o orixinal do Convenio financeiro, esixido pola Axencia nacional, onde se recollen as obrigas das partes na administración de fondos comunitarios, que tamén será asinado polo director da EASD Mestre Mateo.
- Asinar por triplicado o Acordo de aprendizaxe de prácticas, onde se recollen as funcións principais que se levarán a cabo e as aprendizaxes previstas, que tamén debe ser asinado pola organización de acollida e o director da EASD Mestre Mateo.
- Acreditar a vixencia dos seguros antes da súa viaxe.
- Entregar á coordinación Erasmus unha certificación bancaria dunha conta ao seu nome.
- Realizar o test de idioma OLS inicial que realiza Erasmus+ con finalidades estadísticas

Durante a estada na institución/organización de destino:

- Na primeira semana dende a incorporación no destino, debe remitir por correo electrónico a Certificación de Chegada debidamente asinada e selada pola persoa responsable da empresa de acollida.
- Manter o contacto periódico coa coordinadora Erasmus e/ou a persoa responsable da titorización a través do enderezo electrónico. Comunicar calquera problema ou modificación nas prácticas.
- Permanecer no destino ata o final do período previsto e realizar as prácticas.
- Realizar o curso online OLS de idioma en caso de que o sistema proporcione unha licencia ao remate do test inicial.
- Respetar as normas e regulamentos da empresa ou institución de acollida, a súa xornada laboral habitual, o seu código de conduta e a súa política de confidencialidade.
- Enviar documentación gráfica (foto ou vídeo) susceptible de ser compartida en redes sociais pola Oficina Internacional da EASD Mestre Mateo.

Finalizado o período de mobilidade na institución ou organización de destino:

- Se o certificado de permanencia acreditara un período inferior ás cantidades recibidas, a/o estudante deberá reintegrar a totalidade ou unha parte da axuda recibida acorde aos meses ou semanas non certificados. Así mesmo, solicitarase o reintegro en caso de renuncia total ou parcial por motivos non xustificadas, que quedan a criterio da Axencia nacional SEPIE.
- Cumprimentar e presentar en tempo e forma calquera documentos oficiais que en relación coa súa bolsa lles foran requiridos pola EASD Mestre Mateo ou a Axencia Nacional (SEPIE).
- Se das prácticas derivara algún traballo susceptible de ser publicado, o autor ou autora deberá facer constar a axuda financeira recibida a través do programa Erasmus+ e a EASD Mestre Mateo.
- Enviar á Coordinadora Erasmus no prazo máximo dun mes tras finalizar a estada o documento orixinal de "Certificado de Estada"

- Realizar o informe final (enquisa online UE Survey) no prazo dun mes tras a finalización da mobilidade.
- Realizar o test OLS de idioma final que realiza Erasmus con finalidades estadísticas.
- Elaborar unha memoria de prácticas e entregala en tempo e forma.
- **Incumprimentos – Exención de responsabilidade**

As renuncias que se producen fóra do prazo establecido e sen xustificación serán motivo de exclusión en posteriores convocatorias e obrigarán á devolución do importe da axuda recibida.

As persoas beneficiarias das bolsas de mobilidade reguladas na presente convocatoria serán as únicas responsables das súas accións nas empresas ou institucións do país de destino, eximindo de todo tipo de responsabilidade á EASD Mestre Mateo como consecuencia de danos causados, renuncias extemporáneas ou calquera outro evento que puidera implicar reclamacións.

- **Calendario da convocatoria: Prazos**

Data de publicación da convocatoria: 28 de Abril de 2020. Apertura da convocatoria o día hábil seguinte, 29 de Abril do 2020.

A convocatoria permanecerá aberta mentras haxa dispoñibilidade de fondos.

A data límite de presentación de solicitudes é o 31 de Xaneiro de 2022.

A PRESENTACIÓN DA SOLICITUDE ERASMUS+ PARA PRÁCTICAS SUPÓN A ACEPTACIÓN, EN TODOS OS SEUS TÉRMINOS, DAS BASES ESTABLECIDAS NA PRESENTE CONVOCATORIA

Santiago de Compostela, 28 de Abril de 2020

Asinado: Raquel Anta Barragán, vicedirectora e coordinadora de Programas internacionais.


